



# Matiyu 26




Sigisi'a afina'mo  
utesigeno Pasova  
hopa afina'mo afole  
aisiyafe'mo hu'niya  
afina'mo Yesu'a Metani  
taonifi'mo Layosi'a  
fali'niyateti'mo alino he  
tino ate'niya kotegamo  
e'niye.



Mai'ne'apae'mo  
Maliya'a alopa  
monileti'mo miya  
nefaiya uvelimo  
alagepa atumo ne'aiya  
uvelimo lole kapufi'mo  
hane'niya agufa uvelimo  
alinineno Yesu  
aiyalate'mo lakino faleno  
ateteno ayokateti'mo alino hau  
huno ate'nigeno'ae'mo alagepa  
atu'amo'mo ani mai'naya  
nopi'mo havai te'niye.



Hapa paitegno'ae'mo Yutasi'a ge'amo ne'afiya vekamo tuolofu'a vayapati vekamo apataleno mono hu'a ne'apataya vaya'aite'mo yagai'a apate'naya vaya'aitegamo Yesu'mo avaleno apamisiyafe'mo u'niye.



3

Uno hapa paino'ae'mo, avaleli'ne'na lapamiguve, huno hu'nige'apae'mo apamogaga aite'a, mago kutulu monimo hageta kamigune, hu'a hu'nageno'ae'mo avalelinuno apamisiya kafe'mo aeapa faino kahauya huno mai'niye.



4

Ge'amo ne'afiya vaya'mogi hapa pai'niya gemo akame hu'a u'a Pasova ne'ya'mo alo hu'nae. Ne'ya'mo ne'ne'apae'mo Yesu'a peleti mayamo alino auleno ateteno nunumu'mo huteno akaya heno ge'amo ne'afiya vaya'mo apamiteno'ae'mo, mani peleti mayamo nagufa'nimo hane'niye.



5

Alita neyo, huno hapa paiteno kapumo ali'nenogotife'mo haoke heteno apamiteno'ae'mo, muki'amogitapamo mani kapufati'mo neyo. Mani kapufi ani'mo saufa kotalake kola'nimae. Goti'a hu male'niya kotalakemo mani kava huguve, huno hu male'niya gemo afole aisiyafe'mo ai'na lakiguve. Nagaemo asole vaya'ai hosu kava'apimo ali'na atalesuvafe'mo kola'nimo ai'na laki'na apategauve.



6

Pitafe'mo huno'ae'mo, Saimoniyo, Saimoniyo, hu'na, Satani'a Gotife'mo huno'ae'mo, apakaemo apavaleka namige'nao haiya agufa kava'mo hisafige'na apamalageka hu'na apakegauve, huno ha pai'niye. Ha pai'niya monanafa kagesamo afika fatago nehana kavakamo hano osisiyafe'mo nunumu'mo hu'na kate'nova'mofe'mo kaipamo alika afe letekae'mo konagakamogimo alika lokiya vaika apato, ...



7

... huno ha pai'nigeno'ae'mo, Ala kava nene, huno, ago alo hu'novanageta'a kagae'e'mo magokepi'mo kalavusi huteta'a faligu'ae, huno ha pai'nigeno'ae'mo, Pitao, huno, nagaemo kaha nepauve, kokolemo'mo age o'ai'nisigeka ani afina'mo lole'e mago'e afina'mo nagaefe'mo hukae'mo, o'age'nova vekae, huka hugane, huno ha pai'niye.



8

Hute'apae'mo Yesu'e  
ge'amo ne'afiya vaya'e'mo  
mago mopamo agi'amo  
Getesemanigayagamo  
magokepi ne'u'apae'mo,  
manile'mo mai'nige'nao  
nagaemo muga'ale'mo  
u'na nunumu'mo huguve,  
huno hapa paiteno  
Nunumu'mo huno'ae'mo,  
Afo'nimogae, huno,  
kagaemo muki kava'amo  
huguve huka hisana  
kava'mo afa'a hugane.



9

Mani kapumo  
nagaetegati'mo alika  
atalo. Ani ge hu'na  
huva'monanafa nagaemo  
nahau'ni kava'mo osuka  
kagaemo kahau'nisiya  
kava'mo afa'a huvo, huno  
nunumu'mo hu'niye.



10

Yosa hoyafi'mo mai'nage'apae'mo mono hu'a  
ne'apataya vaya'aite'mo yagai'a ne'apataya vayanagi  
Falasi vayanagi gamani ati vayanagi alopa mono  
note'mo ne'yagaiya ati vayanagi hu'a ali'a  
apate'nage'a u'nae. Ata kani  
ae'a alige lamufi kani ae'a  
alige kayo'mo alige naipemo  
alige hutageno Yutasi'a  
apavalelino e'niye.



11

Agaemo Yesu'mo haeno nesiyafe'mo haopale'mo  
e'nigeno'ae'mo Yesu'a huno'ae'mo, Yutasiyo, huno,  
Vemo Mafa'nemo kame vaya'amogi apayapi'mo  
avaleka apamisanafe'mo haeka ne'napiye,  
huno ha pai'nige'apae'mo agae'e'mo  
lokae'a mai'naya vaya'mogi  
agaetegamo na agufa kava'mo  
afole aisifi hu'a age'a  
mai'ne'apae'mo, . . .



12

. . . Ala kava nene, hu'a, naipetileti'mo apaisupiye,  
hu'a ge hu'a afi ge'apae'mo apakaepati'mo mono  
hu'a ne'apataya vaya'aite'mo yagaino ne'apateya  
vekamo ali'ya'amo ne'aliya vekamo agesamo  
heno lafe hutalegeno asagauno ai'niye.  
Yesu'a huno'ae'mo, ina kava'mo  
osuta afa'a ataleyo, huno hapa  
paiteno agesale'mo ame  
aliteno halate alino maleno  
kamaeno ate'niye.




13

Apakaemo kalavusi hu'a atete'a avaleli u'a mono hu'a  
ne'apataya vaya'aite'mo yagaino ne'apateya vekamo  
nopi'mo u'a hai'nageno Pita'a apasa hulino u'niye.  
Kumate'mo ata kaete'a  
loto hu'a  
mai'nageno'ae'mo Pita'a  
eno apakae'e'mo  
magokepi atale'mo  
loto hu'a mai'nae.




14

Mago vekamo hogote vekamo ali'ya'amo ne'aliya vekamo agesamo Pita'a heno lafe hu'niya vayapati vekamo'mo Pitafe'mo huno'ae'mo, agae'e'mo yosa hoyafi'mo mai'nange'na kage'nofiye, huno afi ge'nigeno'ae'mo halate, ha'ao, huno ha nepaigeno'ae'mo kokolemo'mo age ai'niye.



15

Ala kava ne'mo'a hogoteno Pitafe'mo huno'ae'mo, kokolemo'mo age o'ai'nisigeka lole'e mago'e afina'mo nagaefe'mo hukae'mo, o'age'nova vekae, huka hugane, huno ha pai'niya gee'mo agesamo afino ho huteno'ae'mo malaga uno lamino aipafati'mo atu haegekana hu'nigeno avi'ya'mo hu'niye.



16


Muki kanisole vaya'mogi avaleli'a Pailatitegamo u'nae. Pailati'a huno'ae'mo, Yu vaya'aite'mo yagai'nana ala kini veka'apimo mai'napiye, huno ge huno afi ge'nigeno'ae'mo, he, huno, ani gemo kagaemo alagi ago nehane, huno ha pai'niye. Pailati'a Yesu'mo afa'a atesiyafe'mo



17


huno'ae'mo halate ge huno apafi ge'niya'monanafa malipu yosale'mo nili aiyo, nili aiyo, hu'a hu'nae.

Inagi Pailati'a Yesu'mo malipu yosale'mo nili aite'a ali'a he ti'a atesiyafe'mo avaleno apami'nige'a avaleli'a u'nae. Avaleli u'nageno'ae'mo agai'amo malipu yosa'amo alino kofilino uno taonimo alino ataleno malaga mago aupilaga agi'amo Anu'ayamufagayagamo uno ava'yi hu'niye. Himulu gefati'mo agi'amo Gogata haopalene.




18

Ani haopalegamo malipu yosale'mo nili aite'a ali'a he ti'a ate'nae. Lole vekala'e'mo malipu yosale'mo nili aite'a aluga aluga haopalate'mo ali'a he ti'a anate'nageno Yesu'a folagapi'mo mai'niye.



19

Yegemo'mo aeno ha neleya ya'amo hano hu'nigeno'ae'mo alopa mono nopi'mo alapa'age kena kitamo aeno apake aino lole hu'nigeno'ae'mo Yesu'a alopa gefati'mo huno'ae'mo, afo'nimogae, huno, naune'name'mo kayapi'mo kamuve, huno huteno fali'niye.



20

Yegemo uno lamino falegefe  
hu'nigeno'ae'mo Yosefe'a  
Alamatiya kotega hogote  
kanisole vekamo'mo Goti'a  
yagaino apate'niya  
kava'mo afole aisiya  
afinafe'mo agava  
mai'niya vekamo  
e'niye.



21

Ani afina'mo alo nehaya afina'mo  
hane'niya'mofe'mo egamo Sapati  
afina'mo afole aigiye, huno  
huteno Yosefe'a lokiya'amo  
aliten'o'ae'mo koli aipamo  
Okali'nigeno uno  
Pailatife'mo  
huno'ae'mo, Yesu  
agufa'amo  
aligesuye, huno  
afi  
ge'nigeno.



22

Yosefe'a yaveyave kenamo miya  
failineno male'nen'o Yesu agufamo  
aino akaino alinine emineno  
kenafi'mo hayaeteno  
alininuno yafa kapi'mo  
kino ateteno alopa  
yafa'mo alino heleve  
heleve hulinuno  
yafa ka avayale'mo  
aino akani  
male'niye.



23

Ani hani'ilagamo utesige'a alo nehaya  
afina'mo mono hu'a ne'apataya  
vaya'aite'mo yagai'a  
ne'apataya vaya'e  
Falasi vaya'e'mo  
Pailatitegamo u'a,  
Ala vekae, hu'a,  
ani aigofe gemo  
nehiya vekamo'mo  
afa'a...



24

... mai'nen'o'ae'mo, lole'e mago'e  
afina'mo utesige'na halate he  
tiguve, huno hu'niya  
gee'mo lagesamo  
afi'nona'mofe'mo  
kanolule'mo yagaita  
maime maimo  
ne'vigeno'ao lole'e  
mago'e afina'mo  
hano hugiye,  
huka hapa  
paiyo.



25

Age'naya kava'mo hutapa alu kava alu  
kava'mo hutapa yagaita maiyo,  
huno hapa pai'nige'a  
atale u'a aino akani  
male'niya yafate'mo  
kameleti'mo fale'a  
ae'a kamae  
malete'a ati  
vaya'aife'mo,  
alagepa hutapa  
yagaita  
maiyo,  
hu'a hapa  
pai'nige'a  
u'nae.



26

Sapati afina'mo ago hano hutegeno  
hogote afina'mo afole  
ai'nige'anae'mo  
kotilamiyapi'mo Maliya'a  
Maganala kotega a'e  
mago hamo'amo  
Maliya'e'mo  
kanolule'mo  
agesa'afe'mo  
u'na'ae.




27

Ala kava ne'mo enisole veka'amo  
koku'napati'mo emineno avayale  
yafa'mo alino heleve hulinuno  
maleteno ani yafate'mo fai  
mai'niya'mofe'mo lusi  
imimamo ali'niye.



28

Kanolule'mo yagai'a mai'naya ati  
vaya'mogimo agete'apae'mo  
lusi kava hu'a koli hute'a  
atete hute'apae'mo  
mopafi'mo apago'ya  
fai'te'a fali'naya  
vayakana hu'a  
mai'nae.




29

Enisole vekamo'mo lole atalafe'mo,  
koli osi'ao. Malipu yosale'mo nili  
aite'a ali'a he ti'a ate'naya  
vekamo Yesu'mo  
agesa'afe'mo ne'a'ae,  
hu'na lanake'nove.  
Manifi'mo  
o'mai'nifa ago he  
tino u'niye.



30

Hogoteno ofalino afa'a  
mai'nenoe'ae'mo, alino he tino  
nategaiye, huno lapa pai'niya  
kava'mo ago afole  
ai'niyanagi etana  
havae'niya  
ya'amo age'ao.



31

Inagi kanolulegati'mo malage hu'ana  
atale'ana koli nehu'anae'mo  
anamogaga aime aime  
ne'u'anae'mo ge'amo ne'afiya  
vaya'aife'mo hapa  
paise'afe'mo nagu nagu  
hu'ana u'na'ae.



32

U'anae'mo malage hu'ana Yesu'e'mo katega fotu hute'apae'mo Yesu'a ge anamamae'niye. Agaetegamo u'ana aiyafi'mo anago'ya faite'ana aiyale'mo atafau'ne'ana mono hu'na'ae.



33

Goti'a ma mopafi vaya'aife'mo lusi kava huno hau ayamopafi'mo au'niya'mofe'mo ani aiya magoke mafa'ne'amo avaleno apami'niye. Ina lagimo mafa'ne'ae'mo apakesamo afi'a fatago nehisafige'a alagi ofali'a alagepa hu'a maige maige hu'a maisayafe'mo avaleno apami'niye.

54

60

34

Lomu 3:23

Na kava hu'nageno'aene. Muki vaya'mogimo hosu kava'mo hute'a Goti ha le konali ya'amo u'a hai'a me tale'naya'mofe'mo no'aliye.

Lomu 6:23

Na kava'mo nehageno'aene. Hosu kava'mo ali'ya'amo ne'aliya vaya'ai miya'apimo falisaya kava'mo hane'niya'monanafa Goti'a fikumo hapa maeno ne'apamiya kava'mo alagepa hu'a maige maige hu'a maisaya kava'mo hane'niye. Agaemo Ala kava netimo Yesu Kalaisipi'mo ne'maiya vaya'mo ne'apamiye.

Himulu 9:27

Goti'a huno'ae'mo, muki vaya'mo magoke afina'mo falitesage'na agoti hu'na apategauve, huno hu male'niye.

35

Efasasi 2:8,9 Goti'a fikumo lapa maeno lapamiteno'ae'mo lapakesamo afita fatago hu'naya kavateti'mo lapakufamo alino katino lapate'niye. Lapakaitapimo lapakesamo afita fatago osu'nafa Goti'a fikumo lapa maeno lapami'nigetapa lapakesamo afita fatago hu'nae. Goti'a vaya'mogimo apaki'apile'mo ali'a asaga osisayafe'mo alagepa kava'apileti'mo apakufamo alino katino no'apate.

Lomu 10:9,10 Kagaemo hukae'mo, Goti'a Yesu'mo fali'niyateti'mo ago alino he tino ate'niye, huka kaipafi'mo kagesamo afika fatago hutekae'mo, Yesu'a Ala kava netimo mai'niye, huka kavayafati'mo aeka hakalo nehisanana Goti'a kagufamo alino katino kategaiye, huta lapa nepaune. Ani kavatefe'mo apaipafi'mo apakesamo afi'a fatago nehageno'ae'mo Goti'a huno'ae'mo, naulagale'mo fatago vaya'mo mai'nae, huno nehiye. Ani kava'mo huno Goti'a apagufamo alino katino apatesiyafe'mo apavayafati'mo ae'a hakalo hugae.

36

Yoni 3:16,17

Goti'a ma mopafi vaya'aife'mo lusi kava huno hau ayamopafi'mo hau'niya'mofe'mo ani aiya magoke mafa'ne'amo avaleno apami'niye. Ina lagimo mafa'ne'ae'mo apakesamo afi'a fatago nehisafige'a alagi ofali'a alagepa hu'a maige maige hu'a maisayafe'mo avaleno apami'niye. Goti'a ma mopafi vaya'mo agoti huno apateteno'ae'mo, hosu kava'mo hu'nae, huno hisiyafe'mo mafa'ne'amo alino ate'nigeno emi'no'me'nifa apakufamo alino katino apateteno hapau vaisiyafe'mo alino ate'nigeno emine'niye.

37

1 Yoni 5:11-13

Goti'a ageteno ha maeno faigoko gemo aeno hakalo huno'ae'mo, nagaemo maige maige hutapa ne'maiya ya'mo lapami'nove, huno laha pai'niye. Ani maige maige hu'a ne'maiya ya'mo mafa'ne'afi'mo mai'niye. Goti Mafa'ne'amo avale'a apaipafi'mo ate'naya vaya'mo maige maige hu'a ne'maiya ya'mo ago ali'nae. Goti Mafa'ne'amo avale'a apaipafi'mo o'ate'nisaya vaya'mo maige maige hu'a ne'maiya ya'mo o'ali'nae. Nagaemo mani gemo Goti Mafa'ne'amo agi'alefe'mo lapakesamo afita fatago nehaya vaya'mogita hutapae'mo, maige maige huta maisuna ya'mo ali'none, hutapa afitetapa agesayafe'mo mani gemo avo'mo kae'nove. Lapakaemo afitetapa lapakesamo afita fatago hume hume visayafe'mo avo'mo kae'nove.

38

Matiyu 26-28; Luki 22-24; Yoni 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Keyagana Bible (kyg) © 2013, Wycliffe Bible  
Translators, Inc. All rights reserved.

<https://www.bible.com/bible/1105/GEN.1.KYG2013>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)